

水經注卷三十一



漢 桑 欽 撰

後魏 酈道元 注

澧水 涓水 灑水 濯水

瀕水 漚水 澗水

澧水出南陽魯陽縣西之堯山

堯之末孫劉累以龍食帝孔甲孔甲又求之不得
累懼而遷于魯縣立堯祠于西山謂之堯山故張
衡南都賦曰奉先帝而追孝立唐祠於堯山堯山

水經注 卷三十一 一

在太和川太和城東北澧水出焉張衡南都賦曰
其川瀆則澧澧灤澹澹發源巖穴布獲漫汗漭沆洋
溢總括急趣箭馳風疾者也澧水又歷太和川東
逕小和川又東溫泉水注之水出北山七泉奇發
炎熱特甚闕駟曰縣有湯水可以療疾矣湯側又
有寒泉焉地勢不殊而炎涼異致雖隆火盛日肅
若冰谷矣。渾流同谿南流注澧水又東逕胡木山
東流又會溫泉口水出北山阜炎勢奇毒痲疾之
徒無能澡其衝漂救養者白氏六帖咸去湯十許

朱云牢神字音

譚云又介乎二者之間好情性

□云平地介
□四字便是
□□高士贊
譚云此山孤
□有丈夫氣
何□女名

步別池然後可入湯側有石銘云皇女湯可以療
萬疾者也故杜彥達云然如沸湯可以熟米飯而
飲一作愈百病道士清身沐浴一日三飯飲一作多少
自在四十日後身中萬病愈三蟲死學道遭難逢
危終無悔心可以牢神存志即南都賦所謂湯谷
湧其後者也然宛縣有紫山山東有一水東西十
五里南北二百步湛然沖滿無所通會冬夏常溫
世亦謂之湯谷也非魯陽及南陽之縣故也張平
子廣言土地所苞明非此矣澁水又東房陽川水
水經注  卷三十一 二

注之水出南陽雒縣西房陽川北流注于澁澁水
之北有積石焉世謂女靈山其山平地介立不連
岡以成高峻石孤峙不託勢以自遠四面壁絕極
能靈舉遠望亭亭狀若單楹插霄矣北面有如頽
落劣得道步當作好事者時有扳陟耳澁水又與
波水合水出霍陽西川大嶺東谷俗謂之歇馬嶺
川曰廣陽川非也即應劭所謂孤山波水所出也
馬融廣成頌曰浸以波澁其水又南逕蠻城下蓋
蠻別邑也俗謂之麻城非也波水又南分三川於

白亭東而俱南入澧水澧水自下兼波水之通稱
也是故闕駟有東北至定陵入汝之文澧水又東
逕魯陽縣故城南城卽劉累之故邑也有魯縣居
其陽故因名焉王莽之魯山也昔在於楚文子守
之與韓搆難戰有返景之誠內有南陽都鄉正衛
爲碑澧水右合魯陽關水水出魯陽關外分頭山
橫嶺下夾谷東北出入澧澧水又東北合牛蘭水
水發縣北牛蘭山東南逕魯陽城東水側有漢陽
侯焦立碑牛蘭水又東南與栢樹谿水合水出魯

水經注

卷三十一

三

山北峽谷中東南流逕魯山西而南合牛蘭水又
東南逕魯山南闕駟曰魯陽縣今其地魯山是也
水南注于澧澧水東逕應城南故應鄉也應侯之
國詩所謂應侯順德者也彭水注之俗謂之小澧
水水出魯陽縣南彭山蟻塢東麓北流逕彭山西
下有彭山廟廟前有彭山碑漢桓帝元嘉三年杜
仲長立彭水逕其西北漢安邑長尹儉墓東塚西
有石廟廟前有兩石闕闕東有碑闕南有二獅子
相對南有石碣二枚石柱西南有兩石羊中平四

□云因石廟
□備□石□
□□□□

年立彭水又東北流直應城南而入澧澧水又左
合橋水水出魯陽縣北恃東宋本作北恃山東南逕應山
北又南逕應城西地理志曰故父城縣之應鄉也
周武王封其弟爲侯國應劭曰韓詩外傳稱周成
王與弟戲以桐葉爲圭曰吾以封汝周公曰天子
無戲言王乃應時而封故曰應侯鄉亦曰應鄉按
呂氏春秋云成王以桐葉爲圭封叔虞非應侯也
汲郡古文殷時已有應國非成王矣戰國范雎所
封邑也謂之應水澧水又東逕犇縣故城北左傳

水經注

卷三十一

四

昭公元年冬楚公子圍使伯州犁城犇是也出于
魚齒山下春秋襄公十八年楚伐鄭次于魚陵涉
於魚齒之下甚雨楚師多凍徒役幾盡晉人聞有
楚師師曠曰不害吾驟歌北風又歌南風南風不
競多死聲楚必無功矣所涉卽澧水也水南有漢
中常侍長樂太僕吉侯苞冢冢前有碑基西枕岡
城開四門門有兩石獸墳傾墓毀碑獸淪移人有
掘出一獸猶全不破甚高壯頭去地減一丈許作
制甚工左膊上刻作辟邪字門表壘上起石橋歷

譚云語特嚴
□覺坡翁遊
□山記爲繁

時不毀其碑云六帝四后是謔是諷蓋仕白安□
沒于桓后于時閹閹擅權五侯暴世割剝公私以
事生死夫封者表有德碑者頌有功自非此徒何
用許爲石至千春不若速朽苞墓萬古祇彰誚辱
嗚呼愚亦甚矣潢水又東犍水注之俗謂之秋水
非也水有二源東源出其縣西南踐犢山東崖下
水方五十許步不測其深東北流逕犍縣南又東
北屈逕其縣東而北合西流水西源出縣西南頗
山北阜下東北逕犍城西又屈逕其縣北東合二
水經注  卷三十一 五

水亂流北注于潢漢高祖入關破南陽太守呂齮
於犍東卽於是地潢水之陰也潢水又東南逕昆
陽縣故城北昔漢光武與王尋王邑戰於昆陽敗
之走者相騰踐奔殪百餘里會大雨如注潢水盛
溢虎豹皆股戰士卒爭赴灤死者以萬數水爲不
流王邑嚴尤陳茂輕騎皆乘尸而度矣

東北過潁川定陵縣西北又東過鄆縣南東入于汝
潢水東逕西不羹亭南亭北背汝水於定陵城北
東入汝鄆縣在南不得過

涓水出弘農盧氏縣攻離山東南過南陽西鄂縣西北又東過宛縣南

涓水導源東流逕酈縣故城北郭仲產曰酈縣故城南在攻離山東酈舊縣也三倉曰樊鄧酈酈有二城北酈也漢祖入關下浙酈卽此聯也涓水又東南流雒縣之雒衡山東逕百章郭北又東魯陽關水注之水出魯陽縣南分水嶺南水自嶺南流北水從嶺北注故世俗謂此嶺爲分頭也其水南流逕魯陽關左右連山插漢秀木于雲是以張景

水經注

卷三十一

六

陽詩云朝登魯陽關峽路峭且深亦司馬芝與母

遇賊處也

魏志司馬芝字子華河南溫人也少爲書生避亂荊州於魯陽山遇賊同行者

皆棄老弱走芝獨坐守老母至以刀臨芝叩頭曰母老唯在諸君賊曰此孝子也殺之不義遂

得免官至

關水歷雒衡山西南逕皇后城西建武

元年世祖遣侍中傅俊持節迎光烈皇后於涓陽俊發兵三百餘人宿衛皇后道路歸京師蓋稅舍所在故城得其名矣山有石室甚飾潔相傳名皇后浴室又所幸也關水又西南逕雒縣故城南昔秦文公之世有陽伯者逢二童曰留曰彼兩童二

未云時碑鐫
額用篆猶存
漢制但文字
悉是古文則
不可復矣

雉也得雌者霸雄者王二童翻飛化為雙雉光武

獲雉於此山以為中興之祥故置縣以名焉按列傳

云陳倉人死異物獻之道遇二童子云此名為雄

者王得雌者霸乃逐童子化為雉秦穆公大獵果

南秦表其地為雉以後光武起於關水又屈而東南

流注于涓涓水又東南流逕博望縣西北故城東

郭仲產曰郡東北一百二十里漢武帝置校尉張

騫隨大將軍衛青西征為軍前導相望水草得以

不乏元光六年封騫為侯國地理志曰南陽有望

水經注 卷三十一 七

縣王莽改之曰宜樂也涓水又東南逕西鄂故城

東應劭曰江夏有鄂故加西也昔劉表之攻杜子

緒於西鄂也功曹伯孝長聞戰鼓之音懼而閉戶

蒙被自覆漸登城而觀言勇可習也清水又南潁

水注之水出弘農郡盧氏縣之熊耳山東南逕酈

縣北東南逕房陽城北漢哀帝四年封南陽太守

孫寵為侯國俗謂之房陽川又逕西鄂縣南水北

有張平子墓墓之東側墳有平子碑文字悉是古

文篆額是崔瑗之辭盛弘之郭仲產並云夏侯口

若爲郡薄其文復刊碑陰爲銘然碑陰二銘乃是
崔子玉及陳翕耳而非孝若悉是隸字二簣並存
嘗無毀壞又言墓次有二碑今唯見一碑或是余
夏逕驛途疲而莫究矣水南道側有二石樓相去
六七丈雙跽齊竦高可丈七八柱圓圍三丈有餘
石質青綠光可以鑒其上鑿櫨承拱雕簷四柱窮
巧綺刻妙絕人工題言蜀郡太守姓王字子雅南
陽西鄂人有三女無男而家累千金父沒當塋女
自相謂曰先君生我姊妹無男兄弟今當安神玄
水經注

卷三十一

八

宅翳靈后土冥冥絕後河以彰吾君之德各出錢
五百萬一女築墓二女建樓以表孝思銘云墓樓
東平林不近墳墓而不能測其處所矣泃水又東
南流注于泃水世謂之肄泃聲相近非也地理志
曰熊耳之山出三水泃水其一焉東南至魯陽人
沔是也泃水又南逕預山東山上有神廟俗名之
爲獨山也山南有魏車騎將軍黃權夫妻二冢地
道潛通其冢前有四碑其二魏明帝立二是其子
及臣吏所樹者也泃水又西南逕史定伯碑南又

西爲瓜里津水上有三梁謂之瓜里渡自宛道途東出赭陽而道方城建武三年世祖自赭陽西入破虜將軍劉奉後漢書怨漢掠新野拒瓜里上親搏戰降之夕陽下遂斬奉郡國志所謂宛有瓜里野津夕陽聚者也阻橋卽桓温故壘處温以升平五年與范汪衆軍北討列營涪水又西南逕晉蜀郡太守鄧義山墓南又南逕宛城東其地故升伯之國楚文王滅申以爲縣也秦昭襄王使白起爲將伐楚取郢卽以此地爲南陽郡改縣曰宛王莽更名

水經注

卷三十一

九

郡曰前隊縣曰南陽劉善曰在中國之南而居陽地故以爲名大城西南隅卽古宛城也荊州刺史治故亦謂之荊州城今南陽郡治大城其東城城內有舊殿基周二百步高八尺陞階皆砌以青石大城西北隅有基周一百步高五丈蓋更始所起也地西三里有古臺高三丈餘文帝黃初中南巡行所築也涪水又屈而逕其縣南故南都賦所言涪水蕩其胸者也王莽地皇二年朱鮪等共於城南會諸將設壇燔燎立聖公爲天子於斯水上世

語曰張繡反公與戰敗子昂不能騎進馬於公而
昂遇害魏書曰公征至宛臨涪水祠亡將士歔歔
流涕衆皆哀慟涪水又南梅谿水注之水出縣北
紫山南逕百里奚故宅奚宛人也於秦爲賢大夫
所謂迷虞智秦者也紫谿又逕宛西呂城東史記
曰呂尚先祖爲四嶽佐禹治水有功虞夏之際受
封於呂故因氏爲呂尚也徐廣史記音義曰呂在
宛縣高后四年封昆弟子呂恕爲呂城侯疑卽此
也

按史記呂后紀四年封呂忿爲呂城侯

又按新蔡縣有大呂小呂

水經注

卷三十一

十

亭而未知所是也梅谿又南逕杜衍縣東故城在
西按漢高帝七年封郎中王翳爲侯國王莽更之
曰閨衍矣土地塾下湍谿是注古人於安衆竭之
今遊水是瀦謂之安衆港世祖建武三年上自宛
遣潁陽侯祭遵西擊鄧奉弟衆破之於杜衍進兵
涅陽者也梅谿又南謂之石橋水又謂之汝谿之
流而左注涪水涪水之南又有南就聚郡國志所
謂南陽宛縣有南就聚者也郭仲產言宛城南三
十里有一城甚卑小相承名三公城漢時鄧禹等

歸鄉餞離處也盛弘之著荊州記以爲三公置余按涑水左右舊有二澁所謂南澁北澁者水側之澁聚在涑陽之東北考古推地則近矣城側有范蠡祠蠡宛人祠卽故宅也後漢末有范曾字子閔爲大將軍司馬討黃巾賊至此祠爲蠡立碑文勒可尋夏侯湛之爲南陽又爲立廟焉城東有大將軍何進故宅城西有孔嵩舊居嵩字仲山宛人與山陽范式有斷金契貧無養親賃爲阿街卒遣迎式式下車把臂曰子懷道卒伍不亦痛乎嵩曰侯

水經注

卷三十一

十一

嬴賤役晨門卑下之位古人所不耻何痛之有故其讚曰仲山通達卷舒無方屈身廝役挺秀含芳又屈南過涑陽縣東

涑水又南入縣逕小長安司馬彪郡國志曰縣有小長安聚謝沈漢書稱光武攻涑陽不下引兵欲攻宛至小長安與甄阜戰敗於此涑水又西南逕其縣故城南桓帝延熹七年封鄧康爲侯國縣故南陽典農治後以爲涑陽郡省郡復縣避晉簡文諱更名云陽焉涑水又逕安樂郡北漢桓帝建和

六年封司徒胡廣爲涑陽縣安樂鄉侯今於其國立樂宅戍郭仲產襄陽記曰南陽城南九十里有晉尚書令樂廣故宅廣字彥輔也善清言見重當時成都王廣女婿長沙王猜之廣曰寧以一女而易五男猶疑之終以憂殞其故居今置戍因以爲名

又南過新野縣西

此下原有廿二字重出今刪去

涑水又南入新野縣枝津分派東南出苞隰衍注左積爲陂東西九里南北一十五里陂水所漑咸

水經注

卷三十一

十二

爲良沃涑水又南與湍水會又南逕新野縣故城西世祖之敗小長安也姊元遇害上卽位感悼姊沒追謚元爲新野節義長公主卽此邑也晉咸寧二年封大司馬扶風武王少子歆爲新野郡公割南陽伍屬屬一下當陽蔡陽穰鄧山都封爲王按晉書野莊王傳云歆字弘舒太康中封新野縣公邑千八百戶惠帝本紀云弘舒寧元年三月齊王冏起兵討趙王倫而元野公歆皆舉兵應之四月王倫伏誅會洛陽請廢之還也第知歆進封爲新野王在文舒更立中隔西卽郡治東則民居城西倚涑水又東

與朝水合水出西北赤石山而東南逕冠軍縣界地名沙渠又東南逕穰縣故城南楚別邑也秦拔鄢郢卽以爲縣秦昭王封相魏冉爲侯邑王莽更名曰豐穰也魏荊州刺史治朝水又東南分爲二水一水枝分東北爲樊氏陂陂東西十里南北五里俗謂之凡亭陂陂東有樊氏故宅樊氏旣滅庾氏取其陂故嘑曰陂汪汪下田良樊子失業庾公昌昔在晉世杜預繼信臣之業復六門之陂遏六門之水下結二十九陂諸陂散流咸入朝水事見

水經注

卷三十一

結字勁

十三

六門碑六門旣陂諸陂遂斷朝水又東逕朝陽縣故城北而東南注于涓水又東南與棘水合水上承赭水赭水出棘陽縣北數源並發南流逕小赭鄉謂之小赭水世祖建武二年成安侯臧宮從上擊赭也東源方七八步騰湧若沸故世名之騰沸水南流逕于赭鄉謂之赭水建武二年祭遵引兵南擊董訢於赭鄉以水氏縣故有赭陽之名也地理志曰縣有赭水王莽曰陽城也漢哀帝改爲順陽建武二年更封安陽侯朱祐爲赭陽侯赭水縣

竭以爲陂東西夾岡水相去五六里古今斷罔兩

舌都水潭漲孫云古今斷罔兩舌當作左右斷罔

而水連岡築之竭蓋水削去陂陀漲也南北一十餘里

水決南瀆下注爲灣灣分爲二西爲赭東爲榮源

赭水參差流結兩湖故有東陂西陂之名二陂所

導俱水枝分東南至會口入泚是以地理志云泚

水赭水皆言入蔡互受通稱故也二湖流注合爲

黃水謂所受焉逕棘陽縣之黃淳聚又謂之黃淳爲

水者也故謝承漢書甄阜等敗光武于小長安東

乘勝南渡黃淳水前營皆阻兩川謂臨泚水絕後

橋示無還心漢兵擊之二軍潰溺死黃淳水者二

萬人又南逕棘陽縣故城西應劭曰縣在棘之陽

是知斯水爲棘水也漢高帝七年封莊得臣爲侯

國孫陽莊侯杜得臣後漢兵起擊唐子鄉一作殺

湖陽尉進拔棘陽鄧晨將賓客會光武于此縣也

棘水又南逕新野縣歷黃郵聚世祖建武三年傅

俊岑彭進擊秦豐先拔黃郵者也謂之黃郵水大

司馬吳漢破秦豐于斯水之上其聚落悉爲蠻居

猶名之爲黃郵蠻棘水自新野縣東而南流入於涓水謂之爲力口也棘力聲相近當爲棘口也又是方俗之音故字從讀變若世以棘子木爲力子之木也

舊本誤以灑水東北流枝瀆右

涓水又東

南逕士林東成名也成有邸閣水左有豫章大陂下灌良疇三千許頃也

西過鄧縣東南入于沔

縣故鄧侯吾離之國也楚文王滅之秦以爲縣清水右合濁水俗謂之弱溝水上承白水於朝陽縣

水經注

卷三十一

十五

東南流逕鄧縣故城南習鑿齒襄陽記曰楚王至鄧之濁水去襄陽二十里卽此水也濁水又東逕鄧塞者卽鄧城東南小山也先後名之爲鄧塞昔孫文臺破黃祖於其下濁水東流注于涓涓水又南逕鄧塞東又逕鄧城東古鄧子國也蓋鄧之南鄙也昔巴子請楚與鄧爲好鄧人奪其幣卽是邑也司馬彪以爲鄧之鄧聚矣

灑水出灑強縣南澤中東入潁

灑水出潁川陽城縣少室山東流注于潁水而亂

流東南逕臨潁縣西北小灑水出焉東逕臨潁縣故城北灑水又東逕灑陽城北又東逕灑强縣故城南建武元年世祖封揚化將軍堅鐔爲侯國灑水東爲陶樞陂余按灑陽城在灑水南然則此城正應爲灑陰城而有灑陽之名者明在南猶有灑水故此城以陽爲名矣潁水之南有二瀆其南瀆東南流行歷臨潁亭西東南入汝今無水也疑卽灑水之故瀆矣汝水於奇雒城西別東派時人謂之灑水東北流枝瀆右出世謂之死汝也別汝又

水經注

卷三十一

十六

東北逕召陵城北練溝出焉別汝又東汾溝出焉別汝又東逕征羌城北水南有汾陂俗音糞汾水自別汝東注而爲此陂水積征羌城北四五里方三十里許瀆左合小灑水水上承狼陂南流名曰鞏水清陵陂水自陂東注之東迴又謂之小灑水而南流注于大灑水大灑水取稱蓋藉灑汾注而總受巨宋本作其目矣又東逕西華縣故城南又東逕汝陽縣故城北東注于潁

濯水出汝南吳房縣西北興山東過其縣北入于汝

譚云天馬來
渥洼白羊出
淵水物產神
異殆不可曉

縣西北有堂谿城故房子國春秋定公五年吳王
闔閭弟夫概奔楚封之於堂谿故曰吳房也漢高
帝八年封莊侯楊武爲侯國建武中世祖封泗水
王歙子輝爲堂谿侯山谿有白羊淵淵水舊出山
羊當作漢武帝元封二年白羊出北淵畜牧者禱
祀之俗禁拍手當有羊出水野母驚仆自此絕焉
淵水下合濯水濯水東逕濯陽縣故城西東流入
瀕水亂流逕其縣南世祖建武元年封吳漢孫且
爲侯國其水又東入于汝水

水經注

卷三十一

十七

瀕水出撫陰縣東上界山

山海經謂之視水也郭景純注或曰視宜爲瀕出
葺山許慎云出中陽山皆山之殊目也而東與此
水合水出撫陰縣旱山東北流注瀕瀕水又東北
殺水出西南大熟之山東北流入于瀕瀕水又東
淪水注之水出宣山南東流注瀕水瀕水又東得
奧水口水西出奧山東入于瀕水也

東過吳房縣南又東過濯陽縣南

應劭曰濯水出吳房縣東入瀕縣之西北卽兩川

之交會也

又東過上蔡縣南東入汝

濩水出濩陰縣西北扶予山東過其縣南

山海經曰朝歌之山濩水出焉東流于滎經書扶

予者其山之異名乎滎水上承赭水東流左與西

遼水合又東東遼水注之俱導北山而南流注于

滎滎水又東北於濩陰縣北左會濩水之道稍西

不出其縣南其故城在山之陽漢光武建武中封

岑彭為侯國漢以為陽山縣魏武與張繡戰于宛

水經注 卷三十一 十八

馬名絕景為流矢所中公傷右臂引還濩陰即是

地也城之東有馬仁陂郭仲產曰陂在泚陽縣五

十里蓋地百頃其所周漑田萬頃隨年變種境無

儉歲陂水三周其隍故瀆自隍西南而會於泚濩

水不得復逕其南也且邑號濩陰故無出南之理

出南則為陽也非直不究又不思矣濩水又東北

河水注之水出雒衡東山南逕建城東按漢書地理

郡雒縣注云衡山澧水所出東至建當為卷字讀

誤耳郡國志云葉縣有卷城其水又東流入于濩

譚云有此妙地天人無權

譚云筆端有口理之力

譚云聯聯佳
縣絡便是常
語

無水東北逕于東山西西流入無無水之左即黃

城山也水出黃城山東北逕方城郡國志曰葉縣

有方城郭仲產曰苦萊于東之間有小城名方城

東臨谿水尋此城致號之由當因山以表名也苦

萊即黃城也及于東通為方城矣世謂之方城山

水東流注無水故地理志曰南陽葉方城邑西有

黃城山是長沮桀溺耦耕之所有東流水則子路

問津處尸子曰楚狂接輿耕於方城蓋於此也盛

弘之云葉東界有故城始犇縣東至瀨水達當作

水經注

卷三十一

十九

泚陽界南北聯聯數百里御覽玉海及舊本皆作

聯號為方城一謂之長城云酈縣有故城一面未

詳里數號為長城即此城之西隅其間相去六里

御覽及宋本俱若南北雖無基築皆連山相接而

漢水流其南故屈完答齊桓公云楚國方城以為

城漢水以為池郡國志曰葉縣有長城曰方城指

此城也無水又東北歷舞陽縣故城南漢高祖元

年按六年表封樊噲為侯國也

又東過西平縣北

譚云贅此二句見刀劍之質妙合水德不藉他山

譚云語如郭

譚云酈道元大洪山似於武□今當甚□□以□僻故

縣故栢國也春秋左傳所謂江黃道栢方睦於齊

也漢曰西平其西呂墟卽西陵亭也西陵平夷故

曰西平漢宣帝甘露三年封丞相于定國爲侯國

王莽更之曰新亭晉太康地理志曰縣有龍泉水

可以砥礪刀劍特堅利故有堅白之論矣是以龍

泉之劍爲楚寶也縣出名金古有鐵官

又東過酈縣南

酈縣故城去此遠矣不得過

又東過定潁縣北東入于汝

水經注

卷三十一

二十

漢安帝永初二年分汝南郡之上蔡縣置定潁縣

延光中以陽翟郭鎮之爲尚書令封定潁侯卽此

邑也

潁水出蔡陽縣

潁水出縣東南大洪山山在隋郡之西南竟陵之

東北槃基所跨廣圓一百餘里峰曰縣鈎處平縣

衆阜之中爲諸嶺之秀山下有石門夾鄣層峻巖

高皆數百許仞入石門又得鍾乳穴穴上素崖壁

立非人跡所及穴中多鍾乳凝膏下垂望齊氷雪

微津細液滴瀝不斷。幽穴潛遠行者不極窮深而穴內常有風勢。舊本作風熱火無能以經久故也。澗水出于其陰。初流淺狹。遠乃廣厚。可以浮舟。棧巨川矣。時人以澗水所導故亦謂之爲澗山矣。澗水東北流合石水。石水出大洪山東北流注于澗。謂之小澗水。而亂流東北逕上唐縣故城南。本蔡陽之上唐鄉。舊唐侯國。春秋定公三年。唐成公如楚。有兩肅霜。馬子常欲之。弗與。止之。三年。唐人竊馬而獻之。子常歸。唐侯是也。澗水又東。均水注

水經注

卷三十一

二十一

之水出洪山東北流逕土山北山上。山上二字疑脫誤土山又東北流入于澗水。澗水又屈而東南流。

東南逕隋縣西

縣故隋國矣。春秋左傳所謂漢東之國。隋左傳作隨爲大者也。楚滅之以爲縣。晉武太康中立爲郡。有澇水出縣西北黃山南。逕灑西縣西。又東南灑水入焉。灑水出桐栢山之陽。呂忱曰。水在義陽。灑水東南逕灑西縣西。又東南流于澇澇水。又東南逕隋縣故城西。春秋魯莊公四年。楚武王伐隋。今左傳作令

尹鬪祀莫敖屈重除道梁嗟軍臨於隋謂此水也
水側有斷蛇丘隋侯出而見大蛇中斷因舉而藥
之故謂之斷蛇丘後蛇銜明珠報德世謂之隋侯
珠亦曰靈蛇珠丘南有隋季良左傳大夫池其水
又南與義井水合水出隋城東南井泉嘗湧溢而
津注冬夏不異相承謂之義井下流合嗟嗟水又
南流注于澗澗水又會于支水水源亦出大洪山
而東流注于澗澗水又逕隋縣南隋城山北而東
南注

水經注

卷三十一

二十一

又南過江夏安陸縣西

遼水

當作隨水

出隋郡永陽縣東石龍山西北流南迴

逕永陽縣西歷橫尾山卽禹貢之陪尾山也遼水

又西南至安陸縣故城西故鄖城也因岡爲壩峻

不假築涓水又南逕石巖山北昔張昌作亂於其

下籠彩鳳以惑衆晉太安二年鎮南將軍劉弘遣

牙門皮初與張昌戰於清水昌敗追斬於江夏舊

作斬於江夏按卽春秋左傳

定公四年吳敗楚于柏舉從之及于清發蓋澗水

又東南流而右會富水出竟陵郡新市縣東北大陽山水有二源也大富水出山之陽南流而左合小富水水出山之東而南逕三王城東前漢末王匡王鳳王常所屯故謂之三王城城中有故碑文字闕落不可復識其水屈而西南流右合大富水俗謂之大泌水也又西南流逕杜城西按漢志江夏郡有雲城杜縣疑誤新市縣治也郡國志以爲南新市也中山有新市故此加南分安陸立縣又王匡中興初舉兵於縣號曰新市兵者也富水又東南流於安陸

水經注

卷三十一

二十三

界左合土山水世謂之章水水出土山南逕隨郡平林縣故城西俗謂之將陂城與新市接界故中興之始兵有新市平林之號又南流右入富水富水又東入于澗澗水又逕新城南永和五年晉大司馬桓溫築澗水又會溫水溫水出竟陵之新陽縣東澤中口徑二丈五尺垠岸重沙端淨可愛靖以察之則淵泉如鏡聞人聲則揚湯奮發無所復見矣其熱可以燂雞洪澗百餘步冷若寒泉東南流注于澗水又右得潼水水出江夏郡之曲陵縣

譚□聲情相
□□靜人無
□□取□

西北潼山東南流逕其縣南縣治石潼故城城圓而不方東入安陸注于湏水

又東南入于夏

湏水又南分爲二水東通灑水西入于沔謂之湏口也

水經注

卷三十一

二十四